

光道
晉
江縣
志

第二十册

卷之七十五至

卷之七十七

晉江縣志卷之七十五

雜志上

自古載籍所登經經緯史性道文章之備禮樂刑政之華炯乎如日月麗天山河附地矣若乃齊諧之書述于蒙叟小說九百起自虞初龍門傳荆卿本于當時燕丹子三篇嗣此西京雜記東京夢華國史補輟耕錄諸書皆足以資聞見考風俗不特瑰奇瑤詭如洞冥拾遺夷堅之瑣瑣者也晉江人才奮起徵文考獻其大者既大書特書矣至于一節之行足傳芳馨

一言之微亦徵博雅往往流連景慕若見其人談數
之資亦游藝之助豈如晉人清談空虛無補哉志雜
志

泉山通志引顏師古漢書註指此為越王所保之泉山非
是漢書朱買臣傳云發兵浮海直抵泉山師古註云泉
山即今泉州之山自師古時言乃唐貞觀初之泉州今
福州也又謂北山之巔乃東甌王避漢兵之處然東甌
王即東越王餘善為漢兵所攻自所保之泉山南徙大
澤中繇王居股殺以降漢亦無由至此山也

陸慶府志

陳筍湄大玠曰史記東越王退保泉山顏師古以為泉州
之山曹能始名勝志謂師古當貞觀時未有泉州之名
應在福州余考睿宗景雲之先閩下游統稱晉安而福
州則無所謂泉山者能始福人私而欲爭之耳可見果
屬名勝地非其有猶將冒之以誇天下來世而況居桑
梓聽其傾墜不能接武前人而增新之此非生其鄉者
之媿哉

陳大玠脩建泉
山清源洞碑記

泉郡志云東出海門舟行二日程曰澎湖與在巨浸中環
島三十六如排衙然晉人多僑寓其上苦茅為廬推年

火者為長不蓄妻女耕漁為業牧牛羊散食山谷間各
務耳為記訟者取決於晉江縣城外貿易歲數十艘為
泉之外府後屢以倭患墟其地或云抗于縣官故墟之
今鄉落屋址尚存

初閩人自樂其土雖有長材秀民通文學習吏事者相率
不肯出仕及常衮為觀察使設鄉校課文章鄉郡小民
有能誦書作文者衮必具賓主之禮親加講導延泉名
士歐陽詹輩教育勸勉閩俗一變每歲貢士與內州等

書閩

德宗貞元八年是歲壬申兵部侍郎陸贄知貢舉所取二

十二人賈稜為首歐陽詹第二人是榜為宰相者三人

王涯李絳崔群賦題明水詩題御溝新柳

登科記

歐陽詹少與里人王式吳播薛壽鄭簡康暉王雲卿相善

諸公見詹性行文辭勸其赴舉詹不應後詹為觀察常

哀州將薛播所知諸公僉以白詹父博羅丞令其赴舉

京師詹父特與諸公會於龍首山妙峯堂詢議可否諸

公益決其行父乃遣詹隨計吏明年遂登第

開書

詹舉進士聯第皆天下選時稱龍虎榜故劉昌言詩曰一

舉首登龍虎榜十年身到鳳凰池世以為榮

進德堂誌

余在白門時編刻歐陽詹詩集自謂無遺矣偶閱全蜀藝

文志詹有新都行云縹緲空中絲蒙龍道傍樹翻滋葉

開吹惹彼花上露悠揚絲意去真弱花枝注何計脫絃

綿天長春日暮原本所遺尚俟續補

筆精

歐陽四門初發太原途中寄所思詩高城已不見况復城

中人此古樂府體也黃璞乃有太原西髻之謗謂公悅

一妓卒以此隕身好事者喜傳之不信韓退之李習之

李貽孫三公而信璞何哉

清源文獻

閩川歐陽澥者四門詹之孫也澥娶婦經旬而辭赴舉久
不還家詩云黃菊離家十四年又云離家已是夢松年
又云落日望鄉處何人知客情自憐十八年之帝鄉未
遇知己也亦為燕詩以獻主司鄭愚侍郎其詞雖為朝
貴稱羨尚未第焉其詩曰翩翩雙燕畫堂開送古迎今
幾萬回長向春秋社前後為誰歸去為誰來唐詩紀事
許稷挾策入關遇舍人陳詡四門助教歐陽詹校書郎邵
楚長侍御林藻在京師閩川舉子醵酒食會諸先達詹
以稷鄉人親故特與俱詡酣戲稷曰今日之會子何人

斯輒冒其間稷投杯憤排曰男兒患不能立志霄漢豈
有局錡王侯出處豈必常耶叨此一殮稷之過矣噉酒
而出入終南山讀書三年出就府薦遂擢第

閩川名士傳

唐柳冕河東人貞元十三年為福建觀察使冕生長河東徒
見其地多馬謂閩中羊馬不息奏置牧區於東越名
萬安監又置五區泉州志索部內馬牘牛羊之數合萬
餘遊畜之不經時死耗畧盡復調充之民間怨苦坐無
狀代還

閩書

俗傳羅隱出語成識著有異跡若羅囊山之畫馬石深滄

之石壁山書字及建安書簡灘所載予初尚未信其果
此羅隱與否及讀楊文敏書簡灘記已稍信之因閱黃
滔贈隱詩三徵不起時賢議九轉終成道者言方知隱
學道脩真人也

閩書

泉州楊廷式字憲臣唐末明經登第為京官求太常博士
及除太子舍人怒甚將詰責宰相同里翁承贊聞之曰
吾進士及第宏詞登科求一直館學士不可得廷式何
人敢望太常博士貽書賀之廷式亦悟曰黃逋村中何
常有太子舍人乃受命廷式既避亂南歸頗能以清苦

名節自立云

福建通志

顏仁郁泉州人仕閩為歸德場長時土荒民散仁郁撫之
一年襁負至二年田萊闢闢三歲而民用足有詩百篇
宛轉回曲厯道人情邑人途歌巷唱之號顏長官詩其
勸農詩曰夜半呼兒趁曉耕羸牛無力漸艱行時人不
識農家苦將謂田中穀自生

十國春秋

泉州魯司寇廟廷有邑英州人舉進士觀其英多寡以為
應梁貞明中忽生一莢有半人莫測其祥是歲陳述進
士及第時黃仁穎初以學究應試至後唐同光中亦及

第半英之技遂成全英

徐鉉稽神錄參閱書

初審知從子廷彬刺泉州徐寅每同遊賞及陳焱倪曙等
賦詩耽酒為樂凡十餘年寅有賀清源太守王延彬詩
云藥珠宮裡謫神仙八載溫陵萬戶閑心地濶于雲夢
澤官資高卻太行山姜牙北寄熊羆內陶侃文成掌握
間應笑清溪舊門吏年年扶病掩柴關又武榮江畔陰
祥雲寵拜天人慶郡人五色鶴綾花上勅九霄龍尾道
邊臣英雄達處誰言命富貴來時自逼身更待春風飛
吉語紫泥分付與陶甄

十國春秋鈞
璣集合纂

延彬邾之子忠懿之猶子也邾死襲其父封於泉性多藝而奢縱日服一巾櫛日易一汗衫能為詩亦好談佛理詞人彈客謁見多為所阻初邾領兵至泉州舍於開元寺始生延彬于寺之堂既生而有白雀一棲於堂中迄延彬之終方失其所在凡三十年仍歲豐稔每發蠻舶無失墜者人因謂之招寶侍郎朝廷贈延彬雲中節度使及卒復葬雲臺山迄今閩人謂之雲臺侍中有詩曰兩衙前後訟堂清軟錦披袍擁鼻行雨後綠苔侵履迹春深紅杏鎖鶯聲因攜久醞松醪酒自煮新抽竹筍羹

也解為詩也為政儂家何似謝宣城人多頌之

釋史
彙編

五代詹敦仁勸王氏入貢王氏寵予以官作辭命篇曰爭

帝圖王事總非中原失統可傷悲往來賓主如郵傳勝

負干戈似局棋周粟縱榮寧忍食萬廬頻顧謾勞思江

山有待早歸去好向鵲林擇一枝

清源
文獻

閩王氏亡國留從効繼領留後雖稱藩南唐實雄據一隅

先是留陂人陳智廣者中和初居九座山不如輩所言

禍福必驗留從効待之甚厚嘗有識云卯下田力交連

井中坐二十年從効果據泉州如其言

後滅

全唐
詩紀

陳洪進在泉州日方畫有蒼鶴翔集內齋每引吭向洪進
洪進視之有魚鯁其喉以手探視之魚猶活鶴馴擾齋
中數日而後去人皆異之

宋史

詹琲追和秦系辭張建封詩獻陳洪進曰誰言悅口是輕
肥獨酌鵝兒嫩翠微名利薄於秋紙扇羊裘煖甚紫羅
衣心隨倦鳥甘栖宿目送征鴻遠奮飛擊壤太平朝楚

客鳳山深處覓光輝

清源文獻

陳洪進獻地表云臣聞峻極者山也在汙壤而不辭無私
者日也雖覆盆而必照顧惟遐僻尚隔聲明願歸益地

之圖報露由衷之請臣所領兩郡僻在一隅自浙右未
歸金陵偏霸臣以崎嶇千里之地疲散萬餘之兵望雲
就日以維勤畏首畏尾之不暇遂從間道遠貢赤城願
傾事大之心庶齒附庸之末太祖皇帝賜之軍額授以
節旄俾專達於一方復延賞於三世祖父荷漏泉之澤
子弟享列土之榮榮戟在門龜組盈室雖冠列藩之寵
未脩肆覲之儀暨江表底平先皇厭世會嬰犬馬之病
尚阻雲龍之庭皇帝陛下欽嗣丕基誕敷景命臣遠辭
海嶠入覲天墀獲親咫尺之顏疊被 之澤六飛遊

幸每奉屬車之塵三殿宴嬉屢挹大樽之味決旬之內
雨露駢臻至於童男亦荷殊獎恩榮若此報效何階志
益戀於君軒心遂忘于坎井臣不勝大願願以所管漳
泉兩郡獻于有司使區區負海之邦遂為內地蚩蚩生
齒之類得見太平伏望聖慈授臣近地別鎮臣男文顯
等早膺朝獎皆忝郡符牙校賓僚久經驅策各希元造
稍霈鴻私太宗優詔嘉納之史

宋

陳洪進據漳泉二州有沙門行雲者謂人曰陳氏當有五
侯之象去此五年後有戎馬千萬衆前歌後舞入此城